

14. december 2015

Inatsisartut suleriaasianni § 37 naapertorlugu matumuuna Naalackersuisunut apeqquteqaatimik imaattumik saqqummiussivunga:

Apeqqutit:

1. Iridiumimut akiliutaasartooq marloriaat sinnerlugu qaffatsinneqarnera Naalackersuisunit pissusissamisoortutut isigineqarpa?

2. Iridiummimik akitsuineq aalisarnermik pinianermillu inuussutissarsiuteqartunut sunngiffimmilu pinialuttartunut qanoq sunniuteqassangatinneqarpa?

(Inatsisartunut ilaasortaq Nikolaj Jeremiassen, Siumut)

Tungavilersuutit:

Nunarput immakkut annertuumik angallaffiuvoq, ilisimavarput attaveqaatinik atuineq nunatsinni angallannikkut isumannaallisaanermi pingaarnarpaat ilaattut inisseqqasoq. Aammalu nalunngilarput aalisarfiit piniariartarfiillu ilaat VHF atorlugu attaveqarfigineqarsinnaanngitsut, angallatillu atorineqartut angissusaat peqqutaalluni attaveqaatit MF-it aamma HF-atorneqarsinnaanngillat.

Iridium-ip atorineqarnera ilisimasakka malillugit annertusiartortoq ersarippoq qujanartumik, aammalu nalunngilara inuit inuunerannik ataasiinnaanngitsunik annaassinermik kinguneqartoq, taamaakkaluartorli atuinermut oqilisaassisoqanngilaq, atuisullu amerlimmata aki qaffattoq akuseraaruminaappoq, tassami atoraanni atunngikkaanniluunniit ukiumut massakkut 3600,00 ninik akeqalerpoq affaannaanikuungaluarluni.

Taamaattumik ilimagisinnaavara akitsuinerup kinguneranik Iridiumip angallannermi isumannaallisaatitut atorineqarsinnaanera akisugineqalerluni annikilliartupiluulersinnaasoq, taamaallunilu pinartumik pisoqartillugu VHF-ip, MF-ip HF-illu angusinnaangisaanniitilluni attaveqarasuortoqarsinnaanera pisinnaassanani.

Apeqquteqaat ullut suliffiusut qulit iluanni akineqarnissaa kissaatingaara.